

KANUNI ZA NDOA NA MAADILI YA FAMILIA 7

<"xml encoding="UTF-8?">

KANUNI ZA NDOA NA MAADILI YA FAMILIA

.WAJIBU WA MWANAMUME

Sehemu ya saba

MSIMAMIZI WA FAMILIA

.USIWE NI MWENYE KULALAMIKA KUSIKO NA LAZIMA

Matatizo ya maisha ni mengi. Hakuna mtu ambaye anayo furaha kamili na hali yake. Lakini baadhi ya watu ni wavumilivu zaidi kwa matatizo yao kuliko wengine. Hujaribu kuyaweka katika .kumbukumbu ya akili zao na hawayataji isipokuwa kama ipo sababu ya kuyafichua

Kwa upande mwingine, wapo watu ambao ni wadhaifu mno hivyo kwamba hawawezi kuishi na matatizo yao bila ya kuyafichua. Wanayo mazoea makubwa kulalamika hivyo kwamba kila wanapokutana na watu wengine, huanza kulalamika. Popote wendapo na wakati wowote wanapokuwa kwenye mikusanyiko, hulalamika kuhusu Matukio ya kila siku ambayo yameathiri .maisha yao

Inakuwa kama vile wametumwa kwenye misheni na shetani mwenyewe, kuharibu furaha ya wengine. Ndiyo maana marafiki wengi sana na ndugu hawependi kutiwa wasiwasi na watu .wenye tabia hii na hujaribu kuwakwepa kadiri iwezekanavyo

Lakini lazima watu wawasikitikie wake zao, na watoto wao ambao wanatakiwa kuvumilia tabia yao. Kwa sababu hakuna mtu mwingine ambaye yupo tayari kusikiliza malalamiko yake, watu .hawa hutoa matatizo yao mbele ya familia zao

Wakati mwingine hulalamika kuhusu matumizi yao, kodi marafiki zao na wakati mwingine .hulalamika kuhusu wafanya kazi wenzao biashara zao, maradhi, madaktari na kadhalika

Watu hawa ni wenye kuona kila kitu kuwa kibaya hawaoni chochote kizuri katika dunia hii. .Wanateseka wao na wengine, pia na hususan familia zao huteseka pia

Mpendwa bwana! Kuna maana gani kulalamika wakati wote? Unafanikiwa nini katika kulalamika? Kwa nini familia yako iteseke kwa sababu wewe umekasirishwa na dereva wa ?tekisi, bajaji, na haisi? Kwa nini umlaumu mke wako kwa sababu biashara yako haiendi haraka

Usisahau kwamba msimamo wako utaifukuza familia yako kutoka kwako. Watakukasirikia na kukata tamaa. Wanaweza hata wakakimbia kutoka kwako na inawezekana wakaangukia .kwenye mtego wa uovu na ukhalifu

.Jambo la mwisho ni kwamba tabia hii huweka kovu la kiakili kwa watu wako

Je, huoni kwamba sio jambo jema zaidi kutokuharibu furaha ya familia yako? Unaporudi nyumbani, jaribu kusahau matatizo. Furahia na familia yako. Kula nao cheka nao na furahia .kuwa pamoja nao

Pia Uislamu unachukulia uvumilivu na kutokulalamika kuwa ni tabia njema na hata uketenga .thawabu (malipo ya baadae) kwa sifa hii

Imamu Ally bin Abi Twalib as alisema: "Matatizo yanapompata Mwislamu, si vizuri alalamike kuhusu Mwenyezi Mungu kwa watu wengine, isipokuwa anachotakiwa kufanya ni kumpelekea ".Mwenyezi Mungu matatizo yake ambaye ndiye mwenye ufunguo wa matatizo yote

Imamu Ally bin Abi Twalib as pia alisema: "Imeandikwa kwenye Taurati; yeyote anayelalamika ".kuhusu tatizo ambalo limempata kwa kweli atakuwa analalamika kuhusu Mwenyezi Mungu

Mtukufu Mtume saww alisema: "Yeyote anayepata matatizo ya afya yake na halalamiki kuhusu ".jambo hilo kwa watu, basi ni wajibu Mwenyezi Mungu kumsamehe dhambi zake zote

.Fuatana nami Sehemu ya nane kanuni za ndoa na maadili ya familia